



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-099-4/23**
Datum: **16.05.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica «NESKO PROM» d.o.o. Visoko za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata za tov brojlera u naselju Stuparići-Rezakovina, grad Visoko, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu «NESKO PROM» d.o.o. Visoko daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata za tov brojlera, kapaciteta 79.000 brojlera/turnus, izgrađenog u naselju Stuparići-Rezakovina, na zemljištu označenom kao k.č. broj: 1117/2, 1117/3, 117/4, 1406 i 1411/1 K.O. Buci, grad Visoko.
2. Ova vodna dozvola se odnosi isključivo za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata definisanog tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona ili općina, ukoliko je kantonalnim propisom prenesena nadležnost na općinu, shodno stavu (3) istog člana zakona.
3. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 3.1. Da se upotreba i korištenje predmetnog objekta farme vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se u toku važenja ovog Rješenja izradi investiciono tehničku dokumentaciju na nivou glavnog projekta vanjskih hidroinstalacija.
Investiciono-tehnička dokumentacija treba biti urađena i revidovana od strane pravnih lica koja imaju ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva koja treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) koja su bitna za konkretan slučaj, a naročito:
 - Na osnovu proračuna količina vode, potrebnih za nesmetan rad predmetnog objekta (potrebne količine sanitarne vode, vode za pojenje brojlera, potrebne količine vode za pranje opreme, prostora objekata), obraditi tehničko rješenje zahvatanja vode, monitoringa količina zahvaćene vode i dovođenja vode do objekta, sa svim potrebnim grafičkim prilogima i tehničkim opisom.
 - Obraditi otpadne vode od pranja opreme, otpadne vode od pranja objekata nakon završenog turnusa, način prikupljanja sa svim potrebnim analizama, proračunima, tehničkim opisom, grafičkim prilogima i detaljima. Ove otpadne vode prikupljati u sabirnu/osočnu jamu odgovarajućeg kapaciteta bez ispusta i koja će se periodično prazniti.
 - Obraditi sanitarno-fekalne otpadne vode i način zbrinjavanja.
 - 3.3. Da se u toku važenja ovog rješenja izvedu radovi predviđeni projektnom dokumentacijom definisanom tačkom 3.2. dispozitiva ovog rješenja.
 - 3.4. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
 - 3.5. Da korisnik obavezno praktikuje suho čišćenje prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.

- 3.6. Otpadne vode koje nastaju u toku pranja objekta nakon završenog turnusa, a nakon izvedenih radova na izgradnji objekata, prikupljati u sabirnu/osočnu jamu bez ispusta koja će se povremeno čistiti.
- 3.7. Čišćenje i pražnjenje vodonepropusne sabirne jame može vršiti isključivo firma ovlaštena za tu vrstu djelatnosti, prema posebnom ugovoru.
- 3.8. Objekte čija je svrha odvođenje i prikupljanje otpadnih voda treba redovno održavati i koristiti na način koji će obezbijediti njihovu potpunu ispravnost i funkcionalnost.
- 3.9. Da se privremeno i trajno zbrinjavanje otpada od uginulih pilića i drugih nusproizvoda vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
- 3.10. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada farme, u vodotoke i obale rijeka.
- 3.11. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
10. U ovoj upravnoj stvari plaćene su sve upravne takse.
11. Ova vodna dozvola, shodno članu 117. stav 1. Zakona o vodama se daje sa rokom važenja od 1 (jedne) godine od dana pravosnažnosti ovog Rješenja.
12. Prije isteka važnosti ove dozvole, a nakon realizacije aktivnosti pobrojanih pod tačkama 3.2. i 3.3. dispozitiva rješenja, korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «NESKO PROM» d.o.o. Visoko, dana 15.03.2023., podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata za tov brojlera, kapaciteta 79.000 brojlera/turnus, izgrađenog u naselju Stuparići-Rezakovina, na zemljištu označenom kao k.č. broj: 1117/2, 1117/3, 117/4, 1406 i 1411/1 K.O. Buci, grad Visoko.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o upisu u sudski registar subjekta upisa broj: U/I-872/00 od 17.01.2001. izdatog od Kantonalnog suda u Zenici,

- Ovjerena kopija Uvjerenja o poreznoj registraciji izdatog dana 04.11.2022 od Porezne uprave Federacije BiH-Kantonalni ured Zenica,
- Ovjerena kopija Uvjerenja o registraciji obveznika poreza na dodanu vrijednost broj: 04/5-1/IV-17-1-5684-801/05 od 12.11.2005. izdatog od Uprave za indirektno-neizravno oporezivanje Banja Luka,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-9351/15 od 30.04.2015. izdatog od Službe za statistiku za područje Zeničko-dobojskog kantona,
- Dokaz o uplaćenju upravnoj i administrativnoj taksi,
- Ovjerena kopija Rješenja o izmjeni Rješenja o daljem ispunjavanju propisanih uslova broj: 05-24-1577-1/17 od 18.05.2017. izdatog od Ministarstva za poljoprivredu, šumarstvo i vodoprivredu Zeničko-dobojskog kantona,
- Ovjerena kopija Rješenja o odobrenju za upotrebu građevine (objekat III) broj: 12-23-1950/18 od 31.01.2019. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjerena kopija Rješenja o upotrebi građevine (objekat II) broj: 12-23-07891/13 od 07.11.2013. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjerena kopija Rješenja o izmjeni Rješenja o upotrebi (objekat II) broj: 12-23-07891-3/13 od 10.05.2016. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjerena kopija Rješenja o izmjeni odobrenja za građenje (objekat II) broj: 12-23-07891/2/13 od 09.05.2016. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjerena kopija Rješenja o odobrenju za upotrebu građevine (objekat I) broj: 12-23-6010 od 04.12.2009. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjerena kopija Rješenja o okolinskoj dozvoli (objekti I i II) broj: 12-23-10011/18 od 02.04.2019. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjerena kopija Rješenja o okolinskoj dozvoli (objekat III) broj: 12-23-878/16 od 15.02.2016. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjerena kopija Rješenja o vodnoj saglasnosti broj: 05-23-5452-2/09 od 13.05.2009. izdatog od Ministarstva za poljoprivredu, šumarstvo i vodoprivredu Zeničko-dobojskog kantona,
- Ovjerena Kopija Rješenja o vodnoj dozvoli (objekti I i II) broj: UP-I/25-3-40-515-4/15 od 19.10.2015. izdatog od «Agencije za vodno područje rijeke Save» Sarajevo,
- Glavni projekat – arhitektura, konstrukcije, instalacije i vanjsko uređenje-objekat za tov pilića, Visoko, Stuparići (objekat III), urađen od «PERSPEKTIVA-inženjering» d.o.o. Visoko broj: 05.LS.PER.I/16, januar 2016. (na uvid),
- Glavni projekat – arhitektura i instalacije-proizvodni objekat za tov pilića, Visoko, Stuparići (objekat II), urađen od «PERSPEKTIVA-inženjering» d.o.o. Visoko broj: 02.LS.PER.I/10, januar 2010. (na uvid),
- Izvedbeni projekat (objekat I), urađen od «MUSALA INŽENJERING» d.o.o. Visoko šifra: 082/05, juni 2005. (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-099-3/23 od 27.04.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Kompleks objekata za tov brojlera izgrađen je u naselju Stuparići-Rezakovina, grad Visoko. Kompleks je građen u 3 faze i sastoji se od 3 objekta. U prvoj fazi je izgrađen 1 prizemni objekat kapaciteta 15.000 brojlera/turnus, u II fazi objekat P+1 kapaciteta 34.000 brojlera/turnus i u III fazi 1 prizemni objekat kapaciteta 30.000 brojlera/turnus. Ukupan kapacitet kompleksa je 79.000 brojlera/turnus.
- Za objekte I i II faze, ranije je od strane ove Agencije, doneseno Rješenje o vodnoj dozvoli broj: UP-I/25-3-40-515-4/15 od 19.10.2015., pod određenim uslovima.
- Otpadne vode od pranja objekata i opreme nakon završenog turnusa se, prema dostavljenoj projektnoj dokumentaciji, prikupljaju sistemom slivnika i kanalizacione mreže i odvođe do armirano-betonske sabirne

jame bez ispusta. U toku uviđaja na terenu nije bio omogućen pristup lokalitetu na kojem je planirana/izgrađena sabirna jama.

- Đubrivo se nakon završenog turnusa odvozi od strane Investitora, te trećih lica, bez zadržavanja na otvorenom prostoru farme.
- Snabdijevanje vodom je obezbijeđeno putem priključka na gradsku vodovodnu mrežu.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva ovog Rješenja, propisani uslovi u skladu sa članom 115. do člana 118. Zakona o vodama („Službene novine Federacije BiH“, broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je pravno lice «NESKO PROM» d.o.o. Visoko, ispunilo minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-099-2/23 od 11.04.2023.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

Po ovlaštenju:

Rukovodilac sektora za izdavanje
vodnih akata



Ališehović

Haris Ališehović, dipl.inž.građ.

Dostaviti:

- «NESKO PROM» d.o.o.
Stuparići 31, 71300 Visoko
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava